

For di entrante 1 di Mei

Polis di trafico y CRS lo traha hunto riba dalmento di auto

Comisario van der Straten a splica:

ORANJESTAD (AAN) — Alto Comisario mr. Ronny Bernadina, den e siman aki a yega na un palabracion cu “Caribbean Road Service” y riba kico ta bay sosode den futuro, pa loke ta trata e relacion entre Polis (trafico) y CRS Comisario Jan van der Straten a duna informacion, den conferencia di prensa, di diahuebs mainta.

Van der Straten a menciona cu for di Januari ultimo e tabata bezig ta papiando cu CRS locual ta hopi importante pa Cuerpo Policial pasobra e ultimo añanan nan ta buscando un manera nobo pa combati criminalidad.

Esaki a keda refleha den e trabaonan di “Visibility Team” den e area hotelero “low y high rise” y “Flexibility Team” na caya principal di San Nicolas hunto cu hendenan civil tambe.

Den trafico tambe tin bastante criminalidad, segun e Comisario unda por menciona kehonan falso, usamento di auto horta, etc. Despues cu e Asociacion di Companianan di Seguro a firma un contrato cu “Caribbean Road Service” polis a papia cu e grupo aki riba e posibilidad di un “samenwerking” locual a resulta, dia 19 di April, den un palabracion.

Cuerpo Policial lo dicidi con ta bay traha cu hendenan civil, pasobra e responsabilidad pa combati



criminalidad semper ta di KPA cu ta den man di Alto Comisario, y na momento cu ta necesario ta haci aspraak cu e organizacionnan civil.

Van der Straten a subraya cu e conversacion entre KPA y CRS tabata bastante largo, y dia 19 di April CRS a bisa cu nan ta di acuerdo pa traha bao guia di polis y cu nan ta cla pa cumenza, y cu manera semper, polis ta bin atende accidente.

E comisario a splica e sistema con nan ta bay

coordina e trabao, y el a acentua cu ta hopi importante pa e relacion entre e comunidad di Aruba y polis, pa polis semper atende tur caso di dalmento sea esaki ta chikito of grave. Despues, ora polis ta cla cu tur cos, CRS ta haya un chens pa percura pa regla e dañonan riba caya.

Segun van der Straten ta sumamente importante pa comunidad pa e companianan di seguro regla mas rapido posible loke ta concerni e dañonan relaciona cu accidente.

Pero CRS no ta dicidi ken ta fout y ken no, pero esaki ta den man di polis cu ta sigui traha su rapport manera normal.

E comisario a acentua cu den caso di dalmento pueblo por yama solamente na 9-1-1 pa casonan grave, y 100 pa dalmento chikito, pa haya asistencia di polis.

E proceso aki lo cumenza for

di entrante 1 di Mei y Comisario van der Straten ta convenci cu CRS y Polis lo forma un bon equipo di trabao (samenwerking) pa pueblo haya un mehor servicio na momento cu tin problema di dalmento.

Comisario van der Straten a menciona cu ta keda un asunto di e seguronan con

nan ta bay paga CRS, y esaki no ta bay pone riba e cuenta di e doñonan di auto. El a agrega cu CRS lo haya di diez pa diescincu lugar di trabao na momento cu nan ta traha banda di polis. Hunto cu polis y e doñonan di CRS ta bay selecta e personal, cu mester ta hende “clean” y capacita.

Por spera awacero awe

ORANJESTAD(AAN)— Ayera casi durante henter dia por a nota masha nubia riba nos isla y tabata ser puntra si ta sperando mal tempo.

E posibilidad ta existi cu awe lo por spera awacero local riba nos isla.

Cielo lo ta parcialmente, de vez en cuando, hopi nubla debi na e disturbu riba parti

central y oost di area di Caribe.

Esaki lo sigui causa momentonan cu hopi nubia riba nos region for dicual localmente por cai algun awacero.

Altura di olanan riba lama grandi lo ta entre 0.5 y 1.5 meter.

KEN TA BARI KEN!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



3 Pc. set di stoel
di Cabana
SPECIAL